

Ich hab kee Zeit

Wu mer hiekummt hört mer heit
immer selbe „Ich hab kee Zeit“
e jeder rennt de Zeit grad no
werd er älter spürt ers jo
dann iss zu spät,kannscht mache was witt
das Herz,“die Pump“,macht nimmi mit
dann Kreislauf,Herzinfakt,Hexeschuß
es kummt dann wie es kumme muß
im Krankehaus dann is soweit
jetzt denk drüber no,jetzt hoscht jo Zeit
Un jeden Tag sischt immer klarer
am schlimmschte sinn viel Moped-un Autofahrer
sie rasen daß mer meene kennt
daß bei dem Tempo schunn de Kittel brennt
un segt mer was,was hört mer heit
Ich hab kee Zeit,ich hab kee Zeit
es werd doch immer weiter gerast
emol korz net uffgebaßt
es bummt un kracht das Gott erbarm
die Bee gebroche,im Gips de Arm.
Jetzt trag die Schmerze mit Geduld,
un denk halt ich bin selber schuld
werscht langsam gfahre wers net soweit
jetzt iss zuspät,aber“Du hoscht jetzt Zeit“.
Drum sag ich jedem:net so renne
Jeder soll sei Grenze kenne
die Zeit die laaft der net e weg
des meent halt
August Oberbeck